



**REPUBLIKA E SHQIPËRISË
AUTORITETI I MBIKËQYRJES FINANCIARE
BORDI**

VENDIM

Nr. 36, datë 27.03.2019

**PËR
DISA SHITESA DHE NDRYSHIME NË RREGULLOREN NR. 85, DATË 03.07.2017
“MBI LICENCIMIN DHE USHTRIMIN E VEPRIMTARISË SË VLERËSUESIT TË
DËMEVE NË SIGURIME”**

Në bazë dhe për zbatim të nenit 14, pika 2, të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar, me propozim të Departamentit të Mbikëqyrjes së Tregut të Sigurimeve, Bordi i Autoritetit të Mbikëqyrjes Financiare,

V E N D O S I:

I. Miratimin e shtesave dhe ndryshimeve në rregulloren nr.85, datë 03.07.2017 “Mbi licencimin dhe ushtrimin e veprimtarisë së vlerësuesit të dëmeve në sigurime”, **si vijojnë:**

1. Në nenin 1:

i) pika 3, ndryshon si vijon:

“3. Kërkesave, procedurave, afateve për licencimin e vlerësuesve të dëmeve në sigurime, si person juridik;”

ii) pika 5 shfuqizohet.

2. Në nenin 6:

i) shkronja “b”, ndryshon si vijon:

“b. Nuk kalon testimin për njohuritë sipas kërkesave të rregullores respektive;”

ii) në fund, pas shkronjës “c”, shtohet shkronja “d”

“d. Ka bërë vlerësime dëmi pas përfundimit të afatit të licencës.

Ky shkak për refuzimin e licencës është vetëm për ato raste kur kërkuesi e ka depozituar kërkesën pas 6 muajve nga përfundimi i afatit të licencës paraardhëse dhe për këtë arsye kërkesa konsiderohet si kërkesë për licencë të re.”

3. Në nenin 7:

i) Pika 1, në shkronjën “g”, shprehja “Qendrës së Edukimit pranë”, hiqet.

ii) Pika 2, ndryshon si vijon:

“2. Si rregull kërkesa për rinovim licence depozitohet në Autoritet 6 muaj para përfundimit të afatit. Përrjashtimisht, edhe për rastet kur kërkesa depozitohet në Autoritet deri në 6 muaj nga mbarimi i afatit të licencës paraardhëse, kërkesa do të konsiderohet si kërkesë për rinovim licence. Ndërsa, kur kërkesa depozitohet pas 6 muajve nga përfundimi i afatit të licencës paraardhëse, atëherë kërkesa do të konsiderohet si kërkesë për licencë të re.”

iii) Pika 3, ndryshon si vijon:

“3. Autoriteti kur plotësohen kërkesat e mësipërme rinovon licencën brenda 3 muajve nga paraqitja e kërkesës.”

4. Në nenin 8, në pikën 1, shtohet shkronja “c”, me këtë përmbajtje:

“c. Ka bërë vlerësime dëmi pas përfundimit të afatit të licencës.”

5. Në nenin 9, pika 2, ndryshon si vijon:

“2. Autoriteti i revokon licencën personit fizik si vlerësues i dëmeve:

a) Në rastet e parashikuara në nenin 228, pika 1, të Ligjit 52/2014.

b) Kur provohet se vazhdon situata e shkeljes së ligjit edhe pas dhënien së gjobës, për:

i. Ushtrim të veprimtarisë në kundërshtim me parimet e paanshmërisë të përcaktuara në nenin 233, të Ligjit 52/2014;

ii. Ushtrim të veprimtarisë në kundërshtim me standardet dhe etikën profesionale të përcaktuara në nenin 234, të Ligjit 52/2014;

iii. Mosrespektim të kufizimeve të parashikuara në pikën 1, të nenit 230, të Ligjit 52/2014.”

6. Nenet 11, 12, 13 shfuqizohen.

7. Pas nenit 10 shtohet një nen i ri 10/1 “Testimi i njohurive”, me këtë përmbajtje:

“Testimi për njohuritë profesionale organizohet nga Autoriteti, në përputhje me kërkesat e përcaktuara në aktin e posaçëm për këtë qëllim.”

8. Në nenin 18, pika 2, ndryshon si vijon:

“2. Autoriteti i revokon licencën personit juridik si vlerësues i dëmeve:

a) Në rastet e parashikuara në nenin 228, pika 1, të ligjit 52/2014.

b) Kur provohet se vazhdon situata e shkeljes së ligjit edhe pas dhënien së gjobës, për:

i. Ushtrim të veprimtarisë në kundërshtim me parimet e paanshmërisë të përcaktuara në nenin 233, të Ligjit 52/2014;

ii. Ushtrim të veprimtarisë në kundërshtim me standardet dhe etikën profesionale të përcaktuara në nenin 234, të Ligjit 52/2014;

iii. Mosrespektim të kufizimeve të parashikuara në pikën 1, të nenit 230, të Ligjit 52/2014.”

9. Në Formularin e kërkesës për licencë, që i bashkëlidhet rregullores, bëhen këto ndryshime:

i) Pika 2, ndryshon si vijon:

Aplikimi për licencë bëhet si:

Vlerësues i dëmeve materiale motorrike

Vlerësues i dëmeve materiale të pronës

Vlerësues i dëmeve nga sigurimi i përgjegjësive, kreditit dhe garancive

Vlerësues i dëmeve të tjera

Vlerësues i dëmeve shëndetsore

ii) Pika 3, shkronja “A” dhe “B”, ndryshojnë si vijon:

A. Klasat e sigurimit të Jo-Jetës:

Sigurimi i aksidenteve Sigurimi i shëndetit Sigurimi i avionëve Sigurimi i mjeteve tokësore Sigurimi i anijeve Sigurimi i mallrave në transport Sigurimi nga zjarri dhe forcat e natyrës Sigurimi nga dëmtime të tjera pasurore Sigurimi i përgjegjësive nga përdorimi i automjeteve Sigurimi i përgjegjësive nga përdorimi i avionëve Sigurimi i përgjegjësive nga përdorimi i anijeve Sigurimi i përgjegjësive të

përgjithshme Sigurimi i kreditit Sigurimi i garancive Sigurimi i humbjeve financiare
Sigurimi i mbrojtjes ligjore Sigurimi i asistencës

B. Klasat e sigurimit të Jetës

Sigurim jete Sigurim martesë, lindje Sigurimi i jetës i lidhur me SIK Anuitete
Sigurimi shtesë

II. Ngarkohet Departamenti i Mbikëqyrjes së Tregut të Sigurimeve, për zbatimin e këtij vendimi.

Ky vendim hyn në fuqi menjëherë.

KRYETAR

Pajtim MELANI

DREJTOR I PËRGJITHSHËM EKZEKUTIV

Ervin KOÇI